

作者：游舒帆 Iû su-huân

基隆市新豐街 462-2 號 17 樓 電話：0911638177

e-mail: joyce.yul@msa.hinet.net

阮學校的圖書館

阮學校的舊圖書館佇倚山邊，因為佇整理所以今馬搬佇二樓的教室。雖然冊較少毋過阮逐家馬足愛去遐覷覷看看咧！

圖書館的冊是照號碼來排歸排！義工媽媽誠無閒將冊搬落來二樓閣愛kah冊照號碼來排予好，方便逐家揣資料、揣冊kah借冊。圖書館內佇有分中文冊kah英文冊伊用號碼來分類。

000是總類

100是哲學我今馬無瞭解，因為猶閣傷細漢。

200是宗教，佛教、道教，基督教有足濟宗教。

300是自然科學kah電腦我上愛，拍電腦小朋友上歡喜。

400應用科學有食譜、有手工藝通好學，會凍學歸身軀的好功夫。

500是社會科學瞭解社會代。

600是中國史地，歷史真久長。

700是世界史地，毋若瞭解家己閣愛瞭解世界才有法度變做正港的地球村。

800是文學有散文有小說閣有翻譯小說通好看

900是美術、遊藝有氣質予我會使變做小美人。

英文冊的分類kah中文少寡無相仝馬誠趣味

800文學，文學世界隨在你去迫佢攞勉開錢。

900世界史地閣有旅遊書kah地圖通好查所在

F科幻小說上趣味。

這呢濟類的冊我上愛佢一款呢？予恁臆、予恁臆你逐家一定攞臆袂著！

一人煩惱一樣，無人煩惱仝款。

一兼二顧，摸蜊仔兼洗褲。

三月脩媽祖。

祝逐家事事如意。

五月五扒龍船。

六月割菜假有心。

七月半鴨仔，毋知死活。

八月中秋賞月食月餅，餅圓、月圓人團圓。

十全欠兩味是八珍。

九月九，風吹滿天吼。

十喙九尻川。

講這濟臆著袂？我上佻意語文啦，尤其是台語，因為伊是我的母語，是阿母佇伊的腹肚內佇就開始教我的語言。台語毋若有祖先仔留下來的智慧，講話懸懸低低親像佇唱歌。我那是有袂曉的物件，我攞會走去圖書館揣資料，掀冊揣答案是上快樂的代誌。那是有袂曉講的俗語，馬會使問學校的老師抑是問厝裡的序大人。

除了學校的圖書館，今馬閣有小朋友上愛的行動圖書館。一台車戴歸車冊來學校巡迴服務，行動圖書館那是停落來的時，雙弁的車門會親像鴟鴞展翼全款，按呢就會凍看著放佇內面的冊。

圖書館是我上愛去的所在，伊是智慧的寶庫，馬是一的予咱揣人生興趣的所在。